

U花U草

U花U草：

只要是各大專界的靚仔靚女，《FACE》就會介紹給大家認識。

撰文：葉浩婷

攝影：何榮亮

化妝：Kika Wong

美術：楊國樑

城大
劍神
：

運動 不是買

◀外形俊俏兼sporty自然成為別人眼中的男神，「其實被人讚係好開心，但我又覺好尷尬，次次俾人讚都係謙虛講多謝就算，仲想快啲轉話題！」

學界運動出色，一向易吸引名校招手，現就讀城大心理學Yr.2的吳子浩（Bernard），人封學界劍神，中學時惹來拔萃垂青；大學時亦獲中大招攬，但為了一班同甘共苦的劍擊兄弟和興趣，擁有男神外形的Bernard一句：「運動唔應該係買賣！」最終便拒絕了中大和拔萃的學位，劍神好正氣！

20

歲的Bernard白白淨淨嘢超斯文，但一換上了劍擊衫即時人劍合一，兩眼有火，怕醜仔化身劍神舞劍虎生威！

放棄中大取錄

同好多運動精英一樣，中學時曾帶領所讀中學橫掃學界的Bernard，中四時就被男拔羅致，但劍神卻放棄人人羨慕的名牌學位，「我之前讀大角咀嘅聖芳濟書院，嗰陣學界我連續拎咗幾年個人冠軍，男拔個教練就攞我轉校，不過我一口拒絕，一來我好鍾意聖芳濟班兄弟，一齊努力咗四年，我放唔低呢份兄弟情！同埋我唔鍾意男拔買人嘅風氣，打學界應該用培訓自己嘅學生，唔係靠學校名氣去吸引勁人代打，就算叫我再揀，我一樣唔去男拔！」

上到大學，Bernard再為理想放棄中大筍offer：「我入大學時，中大社工、理大護理同城大心理學都畀咗offer我，大部分人都會揀中大社工，話三大出路會好好多，不過我好鍾意心理學，希望城大畢業後讀埋碩士，可以做臨床心理學家。」

未拍過拖

又靚仔又sporty嘅Bernard係不少女同學眼中筍盤，但男神原來未拍過拖，「我唔係好識處理感情，曾經有女仔主動追我，送禮物畀驚喜我，不過自己拒絕得唔太好，之後大家關係都疏遠咗，我都試過鍾意女仔，但諗諗吓又唔係好啱，想一搵就搵個一生一世嘅，所以最後都有表白，要劍我就叻，追女仔我真係唔掂喇！」

城大心理學系在2

吳子浩(Bernard)

▲Bernard熱愛運動，但偏偏對劍擊情有獨鍾，「咪以為劍擊好暴力，其實係一種貴族運動，玩咗劍擊反兩個人仲斯文咗，比以前更加注重儀態！」



◀曾為母校聖芳濟書院爭光不少的Bernard（紅圈）畢業後獲邀擔任劍擊校隊教練。